

稀見地方史料叢書

中國稀見地方史料集成

學苑出版社

董光和 齊希 編

中國稀見地方史料集成

第四六冊 廣東攷古輯要・二

學苑出版社

新華書店

PDG

(清) 周廣等纂修 清光緒十九年刻本

廣東攷古輯要 · 二

白水磔

碧雲島 縣西澗從石落高約二十餘丈下注爲池池畔有釣魚石平行能容十人仰觀飛瀑若捲簾然壁間時有五色虹文隱見左上小壑曰謫仙宮一蘿倒垂如畫而天漿滴滴目苔而落池前一石隆然負古木而起若雲屏然水流曲折而東兩山束之懸崖絕壁莫可攀躋循澗而出十步一池池石奇磊萬狀

石園口山 縣西北卓立江口巉巖峭絕石壁刻元至正癸巳學正鄭文趨撰記字蘚蝕多不可曉

鴻嘴山 縣西北上有雙石頂綿亘數十里昔爲賊壘明嘉靖丙辰征雙石頂卽此

雲岫山 縣北舊有雲岫營接新興界明嘉靖三十五年征良

塘巢卽此山

灣雷海 縣南海勢灣曲潮聲如雷蟹戶居之非大海也

福星山 廣寧縣北圓秀如覆金城跨其上

落鞍山 縣西明統志相傳有青衣人乘白馬出山中俄墜地人馬俱失因名

圓嶺山 縣城北有九十九坑皆相似若失道必三日而後出
潭圃山 縣東南連山險峻至此甫平縣初建於此尋移今治
水槽嶺 縣東南唐羅隱南游過水槽嶺渴甚鑿石得水書清涼池三字於石上

石燕山 縣東巉巖多窟穴有石鐘石佛秋燕多蟄其中
烏龍潭 縣西多魚味甚佳

北獵山 開平縣南一名北立山產白雲茶脈自恩平北來與

羅漢山相接明嘉靖二十二年僉事杜聰敗賊於此

獅子山 縣東北爲一方險要之衝明成化中僉事陶魯於此

徑中立營開塹數百丈以禦西寇

梁金山 縣東相傳道人梁金修煉處

薛公巖 縣東北獅子山後一名寶光巖又名寂感巖上有石

室深一丈五尺濶八丈有二泉出於石如乳冬夏不竭

香山 德慶州城北爲州之主山一名利人山產五色石上多

香草

端山 州北其形端正故名方輿勝覽云有樹冬榮其子大如

杯炙而食之味如猪肉

錦石山 城西上有石柱直插霄漢漢陸賈使南越尉佗與之

泛舟至此賈默禱若佗肯稱臣當以錦裏石謝山靈使還遂

募人植花卉代錦後人立祠祀之見宋洪邁茂堅志一名濯
錦山

都計山 城東北相傳昔有仙人騎鹿遺跡

三洲巖 城東一名玉乳巖宋李綱書玉乳巖三大字有石室
懸乳皆蒼綠色自成觀音像石鐘地鼓擊之有聲巖內空洞
可容數千人由洞至巔古今題詠甚多宋周敦頤題云濂溪
周敦頤茂叔熙寧元年戊申季冬二十六日遊蘇軾題云東
坡居士自南海還來遊武陵司允明夫東坡幼子遇叔黨同
至元符三年九月二十四日也宋祖無擇有銘元戴貞甫明
陳獻章邱濬區大相有詩

焦石山 城東北山出焦石每歲人採之琢爲燒器見寰宇記
又名社山

定林山 縣境山下有石方正似牀其旁羅生韶子堪食又有
金林山一名思黃金山里人有岑班者入山採伐遇一寶珠
徑圍五寸始爲石遂取以還及夜光明照耀舉柵朗然里人
甚懼以火燒之光雖損頓更明徹猶照一室如白日客有請
之千金遂秘而不出見夢宇記

書堂水 州東宋石處道讀書於此因名

陸溪水 州西舊有陸賈廟故名

夫號水 在州東出西源山其東十里爲思夫水亦出西源山
並流入江相傳昔有人行役歲久不歸其妻思之哭而死夫
歸未及家十里聞其妻之哭死也亦號泣而絕鄉人呼其村
及水爲思夫號云

靈陵水 城東卽程溪水一名零溪水又名溫水水口有龍母

廟漢建祀溫媼封爲龍母明洪武初封爲程溪龍母之神

東山 封川縣東形如屏障一名挂榜山輿地紀勝云舊於山下建三學

西山 縣西南卽錦錢山旁有石丈餘上有巨人跡遇旱以水洗之卽雨

封門山 縣東北峯巒秀蔚兩崖如門下有靈鼠石鄉人祀之歲不害稼

崑岡山 縣東北一名班石山其石五色故名山有風穴類苑云風出蒼梧者草多芳蘭

豐壽山 縣東北一名霹靂山相傳山有巨石雷震其一故名上有石池泉水湧出遇旱以其水禱則雨

麒麟山 縣北寰宇記云以居人莫麒麟姓名名之

白馬山 縣北石坡甚長飛泉如練明正德中獐巢其上
周用等討平之改名白鶴山

姚公石 縣北舊經云昔有人姓姚居之

靈洲 縣北上多蘆葦鳬鷺所棲潦水泛漲其洲不沒古傳與
水爲浮沉因以靈名

昭埏山 開建縣東上有鼠石旁有三穴可容人居止其石上
時多石斛見元和志

忠謹山 縣東北舊經云古人居此多謹直之言因名上有白
鷺池廣圓十里四時不竭

石室山 縣東北萬石巍峩有如軒庭者有如奧房者亦名萬
石嶺相近有石壁山亦以羣峯峻削而名

龍吟水 在縣金縷村莫狀元讀書堂山間水聲清響人呼爲

龍吟

狀元井

在忠謹山下井水清甘冬夏常滿因唐狀元莫宣卿

得名

鶴山

鶴山縣城內其形如鶴因名置縣時卽以名縣知縣劉

繼構亭其上顏曰鶴頂

三寶山

縣西相傳有珠光三炬山人往往見之故名產礪石

雲粟山

縣西寰宇記南中風土惟稻無粟此山種粟卽成因

名

烏臺山

縣境爲洗田四景之一萬山環繞一峯獨秀昔有仙

人芳躅高人韻士每多題詠

石瀑岡

在縣坡山危石飲流奔濤齧岸其東澄江如練一瀉

千里宋蘇軾謫僊過此留止旬日居人築亭以記其勝

七襄潭 在龍眠村黃沙窩坑有水潭大小七處形如甕口晴

久內響如銅鼓則雨雨久甕響則晴靈驗不爽

龜齡井 在龜山下石竅出泉冽而甘明縣令丁積嘗憩山寺
勸諭里民鄉人感德因嗜此泉易名留澤泉

高州府

廟岡山 **茂名**縣東舊立廣利王行宮於此

仙山 城西南寶宇記云潘茂名昇仙煉丹處上有昇仙觀又
名昇真山一名觀山

東山 城東一名潘山山前有潘仙坡亦道士潘茂名煉丹之
所中有石船丹竈

南宮嶺 城南爲縣南水口砥柱明王湛有南宮嶺晚眺詩

仙井嶺 城西北鑑水右旁有井世傳潘茂名煉丹仙坡烟從

井出故名

銅魚山 城東與郡治相對賴仙翁作高涼風土歌云一條丁水銅魚寨三十年來舊相識見輿地紀勝山下有石井相傳井内生花是年必有登科第者

射狼山 城東北寰宇記云古老相傳昔有人射白狼於此

寶山 縣北形如圓珠故名圖經云有麋鳴則赦書至

龍湫山 縣東大小二巖聯峙有石室可容數百人曲折窈冥最爲奇勝巖前石壁有宋人鐫記云高涼郡東三十里有洞曲折數百步巖絕異態其下有泉曰龍湫交流石間簫聲如湧雲之狀巖木蒼鬱殆非人境明姚繼舜有記

高涼山 城東北圖經云羣山森然盛夏如秋因名

波浪山 縣界岡壟如波浪古老相傳海沫成山見寰宇記

武壇山 縣西輿地紀勝云其山圓淨如將壇

毛山 在寶山東晉邑人毛方隱此得服氣之法自少至老兩頰皆丹凡風雨水旱豐歉預以告人無不驗者

筆架山 縣東南三峯高聳形如筆架又名文筆山明知府孔鏞創潘仙亭其上遺跡尙存

鑑江 縣東北源出鑑山其水澄清如鏡故名

南洲 縣南霧嶺岡下有湖水方廣二里唐天寶二年因大風雨湖心忽湧出小洲至今生草木見寶宇記

龍灣井 縣東北古老相傳有龍蟠於此異跡尙存

流連井 縣東北室山賴仙人歌之室山流連井久立方知省見輿地紀勝

思前井 縣東寶宇記云潘真人煉丹之水味甚香美煎茶試

之與諸水異力士奏取其水歸朝

響水山 電白縣西山有高溜下流琮琤故名

文字嶺 縣西與雙木山連山岐交加若文字然

洲山 在縣西南海中又西爲放雞山航海者皆以雞祀焉

帽澇山 城西北寰宇記云當亢陽山有雲如帽卽雨下卽帽

澇水

龍潭山 縣北卽龍陣山世傳有龍潛於此故俗以龍旬呼之

禱雨輒應

熱水山 縣西下有泉湧出熱如鼎沸上有石牀長二丈餘廣七尺刻浴沂石三字浴溫泉畢多卧其上萬厯初年泉忽涼冷越八十餘年有過客云陽鬱爲陰熱鬱爲寒宜禱導之三日後復溫

題字嶺

城北上有巨石卓立如牌字跡隱隱旁有馬蹄痕

傳仙人乘馬題詩於此土人呼爲馬踏石

要龍山

縣東與雙甌上連賴仙翁作風土歌云巧妙四山雲

岫落要龍雙甌月燈明見輿地紀勝

浮山

縣西北寰宇記云堯時洪水洪溢此山獨浮居人得免

沉墊固上有湖一名湖山

羅浮山

縣西北白石峻峭世傳爲仙人牧羊所化

鹹水湖

縣北四水皆淡一湖獨鹹說者以爲地竅通海

龍山

信宜縣東山勢險峻南有石孔約深五尺許謂之風窖

北亦有石孔其深莫測謂之雨窖相傳有龍伏其中

大間山

縣西北界於茂名信宜之間故名中有石室又有石

牀丹竈及巨人跡世傳昔有樵牧者見二叟偉服綸巾數至

其室俄失所在

趙山 縣北形勢險峻元時有孫人趙姓者依山而居故名頂有巨石雨後每出翠雲

白馬山 縣北相傳有白馬隱見其上鄉人以為神遂立白馬廟於錢排石崖中產七根毛茶

思賢嶺 縣西北一名歐嶺元時有歐姓者居此因名

雲黑嶺 在東勞甲與虎跳相對上有陳太保馬路若遇陰雨聞炮響與鼓樂是年豐熟

羅寶洞 縣南舊唐書地理志寶州以羅寶洞為名水中有石笋聳起形如小舸明嘉靖中好事者名為小瀛洲

吐珠江 縣東北源出大帽山水中石檻層疊而下瀑布可觀雲哲水 在貴士三甲水中有石屋高一二丈疊三層中有窗